

## Universitätsbibliothek Paderborn

**COLLA=||TIONVM SACRA-||RVM LIBRI VIII.**

**Bredenbach, Tilmann**

**Coloniae, 1584**

**VD16 B 7375**

69. Quomodo oporteat Episcopos & cæteros clericos ad ordinationem perduci: Item de sacerdotij dignitate & vtilitate in Rep. & quales debeant Episcopos cooptari.

[urn:nbn:de:hbz:466:1-52445](#)

flagrātes, qui quosdam episcopos accusabant,  
& criminationis libellos Imperatori offere-  
bant. Ille istis ante concordiam constitutam  
acceptis, primū cūm eos vinculo constrin-  
xisset, annuloque suo obsignasset, seruari ius-  
st. Deinde libellos in medium adductos, illis  
ipsis præsentibus, igne absumentos curauit,  
iure iurando adiecto, se ne verbum quidem in  
illis scriptum perlegisse. Nam sacerdotum,  
inquit, vitia non sunt populo aperienda, ne il-  
le inde causa offendiculi arrepta, licenter pec-  
care aggrediatur. Quinetiam eum hoc quoq;  
adiecissem memorant. Si suis oculis episcopum  
alienæ vxori stuprum inferre fortè videret,  
facinus illud nefandum suo paludamento se  
obtectum, ne facinoris aspectus eos qui  
idem ipsum cernerent, vlla ex parte ledet.  
Cūm igitur Episcopos ad hūc modumhorta-  
tus esset, & sacerdotes Dei tam amplio affectis-  
set honore, singulos ad suum gregem redire  
mandauit.

*Justinian. Imp. in authen. Quomodo oporteat  
Episcopos et ceteros clericos ad ordinatio-*  
*nem perduci collatione i. tit. 6. De sacerdotij dis-*  
*nitate & utilitate in republ. & quales debet*  
*ant in Episcopos cooptari.*

C A P. L X I X.

**M**axima quidem in omnibus sunt dona  
Dei à superna collata clementia, sa-  
cerdotium & imperium, illud qui-  
dem diuinis ministrans, hoc autem humanis  
præf.

pr̄sidens ac diligentiam exhibens, ex vno eodemque principio vtraque procedentia humānam exornant vitam. Ideoque nihil sic erit studiosum imperatoribus, sicut sacerdotum honestas, cūm vtique & pro illis ipsi semper Deo supplicant. Nam si hoc quidem inculpabile sit vndique, & apud Deum fiducia plenum, imperium autem rectē, & competenter exornet traditam sibi rem publicam, erit consonantia quædam bona, omne quicquid utile est, humano conferens generi. Nos igitur maximam habemus sollicitudinem circa verā Dei dogmata, & circa sacerdotum honestatē, quam illis obtinentibus, credimus, quia per eam maxima nobis dona dabuntur à DEO, & ea quæ sunt firma habebimus, & quæ nondum hactenus venerunt, acquiremus. Benē autem vniuersa geruntur & competenter, si rei principium fiat decens & amabili DEO. Hoc autem futurum esse credimus, si sacram̄rum regularum obseruatio custodiatur, quam iusti & laudandi & adorandi inspectores & ministri Dei verbi tradiderunt Apostoli, & sancti patres custodierunt, & explanauerunt. Sancimus igitur sacras per omnia sequentes regulas, dum quispiam sequenti omni tempore ad ordinationem episcopatus adducitur, considerari prius eius vitam secundum sanctum Apostolum, si honesta & inculpabilis, & vndique irreprehensibilis sit, & in bonis testimonium habeat, & sacerdotem decens, & ne-

Gg 4 que

que ex officiali, aut curiali veniat fortuna, nisi tamen ex nouella ætate (secundum quod iam dispositum est) in monasterio constitutus, fortuna liberetur, quartam tamen prius substantiæ reddens curiæ. Neque enim idiota, neque ex ijs, qui vocantur laici, existens, ita mox ad episcopatum ascendat, nec imaginariam suscipiat ordinationem, tanquam modo quidem idiota, mox autem clericus, deinde paruum aliquod tempus præteriens Episcopus apparet. Et neque vxori alia copulatus, sed aut in virginitate degens à principio, aut vxorem quidem habens ex virginitate, aut ad eam venientem, & non viduam, neque seiunctam viro, neque concubinam, neque filios aut nepotes habens, neque cognitos legi, neque illi odibiles: alioqui præter hoc aliquid agens, & ipse cadet sacerdotio: & qui eum ordinat, foris episcopatum sectabitur, hanc legem offendens. Sed neque pecunijs oportere emere sacerdotium ei permittimus, solum verò eum respicere domini Dei culturam volumus, & non plurimis humanis cogitationibus distrahi. Sed neq; ineruditus existens sacrorum dogmatum, ad episcopatum accedat, prius autem ad monasticam vitam professus, aut in clero constitutus, non minus mensibus sex, vxori tamen non cohærens, aut filios aut nepotes habens. Hoc enim omnimodò super Deo amabilibus episcopis querimus, sicut etiam prius duabus nostris sacris cōstitutionibus hoc sanctum

titum est, per quas dudum cohærentes vxori-  
bus, non perscrutamur, omne præteritum re-  
linquentes, de cætero autem nulli permitten-  
tentes à positione legis vxorem habenti talem  
imponi ordinationem, quam legem etiam  
nunc renouamus, ne forte si præter hoc ali-  
quid fiat, & ipse cadat sacerdotio, & ordinan-  
tem similiter excludi procuret. Igitur ordi-  
nandus Episcopus, aut ex monachis, aut ex cle-  
ricis, sit etiam in huiusmodi vita testimonij  
boni, vita bonus & honestus, & gloria fruens  
bona, & hoc fundamentum pontificatus depo-  
nens suæ animæ.

*Iustinianus Imper. in eadem authent. §. Hec  
autem. Decœlibatu & castitate sacerdo-  
tum & clericorum, & pœna contrahentium  
nuptias.*

## C A P. L X X.

**Q**Væ de Deo amabilibus episcopis secun-  
dum diuinæ regulæ sanciuimus, eadē  
& de religiosis clericis constituimus.  
Neque enim secundas habentem, aut eum qui  
habuerit nuptias, ordinari in diaconum, aut  
presbyterum permittimus, neque si mulieri  
coniungatur se iunctæ, & proprium virum de-  
relinquenti: sed neque si concubinam habeat,  
sed ipsam vxorem, si cum castitate & ex virgi-  
nitate sit. Nihil enim sic in sacris ordinatio-  
nibus diligimus, quam cum castitate viuëtes,  
aut cum vxoribus non cohabitantes, aut vnuſ  
vxoris virum, qui vel fuerit vel sit, & ipsam ca-

Gg 5 stita-